

մուրհան անպատճառ Խորհրդական գրագիրի գրովն լիցի ,
և Ս. Պատրիարքն կնքեսցէ . նոյնպէս և փոլիցայք գրեանքն
լիցին , բայց յատուկ ողջունագիր նոցա կնքով Խորհրդա-
կանաց լիցի :

6°. Եթէ ըստ եկեղեցականութեան և եթէ ըստ քրիս-
տոգրեցութեան կամիցի ոք միաբանիլ , և կամ Մերունեաց
և գործակալաց պիտոյանայցէ սպասաւոր , գիտութեամբ
Խորհրդականաց լիցի ընտրութիւն նոցա . մի ընկալցին 'ի
միաբանութիւն զտտահակս և զարբեցողս , և մի զանմորուս
սլատանիս հանցեն 'ի դաս , զի այնպիսիք առիթ են աւեր-
ման կարգաց Ս. Տանն , և անուան բոլոր միաբանութեան .
այլ զայնպիսիսն մերժել և արտահալածել զայժմեանսն ,
և յառաջակայէն զգուշանալ :

7°. Զանդէտս , զանկիրթս , զանփորձս և զանուղղայս
մի կոչել յաստիճան և 'ի գործակալութիւն , եւ մի բնաւ
հանել 'ի վիճակս յԱռաջնորդութիւն և 'ի Նուիրակութիւն ,
զի նոցին այնպիսեաց անուղղայ գնացիւքն , և բռնի ան-
կանոն տիրելով և իշխելովն և անչափ սահանջելովն զզուին
ժողովորդք վիճակաց , և ցրտանան 'ի սիրոյ Ս. Աթոռոյն
և եկեղեցականաց , եւ յառաջանայ մլասս մեծ յարդիւնս ,
և զայթակղութիւն 'ի հաւատս : Այլ սլարտ է Նուիրակաց
սիրաչափս լինել եւ համեղախօս և քաղցրաքարոյ . զի մի
ինքեանք այնքան աշխատեսցին 'ի սահանջելն , որքան
տուողքն 'ի սէր նոցին վառեալ փութասցին 'ի տալ յօժա-
րութեամբ և փափաքանօք :

8°. Նուիրակունք 'ի վճարել գործոց իւրեանց գնա-
ցեալ 'ի Ս. Աթոռն ամենայն հարազատութեամբ և մտեր-
մութեամբ տացեն զհաշիւ արդեանց և ծախուց յանուանէ
տումարիւ 'ի ներկայութեան Խորհրդականաց . մի լիցի խո-
րել և իւրացուցանել ինչ 'ի գոյից որք տուեալ լինին նոցա
'ի ժողովրդոց թէ յայտնի և թէ 'ի ծածուկ յանուն Ս. Տե-
ղեաց և Մեծի Աթոռոյն , մտարբրելով զԱնանիայն և զԱ-
փիրայն և զանցս նոցին , այլ ըստ իրաւանց շատ լիցի նոցա
ժամուցն իւրեանց և զաւազանապտուղն : Եւ այսպէս հա-
րազատութեամբ գործակատարքն վարձատրեսցին յԱստու-
ծոյ և ըստ արժանեաց սլատուեսցին 'ի միաբանութեան ,
և յառաջեսցեն յայլ եւս մեծ գործակատարութիւն : Իսկ